

Gregorian pozdravio usvajanje ustavnog amandmana za Distrikt Brčko



Vršilac dužnosti visokog predstavnika i supervizor za Distrikt Brčko, Raffi Gregorian, pozdravio je usvajanje ustavnog amandmana za Distrikt Brčko u oba doma Parlamentarne skupštine BiH u prvom čitanju. Ovim amandmanom Distrikt se definira u skladu sa Odlukom Arbitražnog tribunala i omogućava mu se efikasan pristup Ustavnom sudu BiH u sporovima koji mogu nastati sa entitetima ili državom.

Pozdravivši usvajanje ovog amandmana, Gregorian je izjavio: "Usvojeni ustavni amandman ispunjava važne uslove za okončanje provedbe Konačne odluke koju je donio Arbitražni tribunal za Brčko, i ni na koji način ne prejudicira bilo koje buduće ustavne reforme. Amandman ima podršku zemalja članica Upravnog odbora Vijeća za implementaciju mira i pripadnika skoro svih političkih opcija u BiH, kako je demonstrirao ogroman broj glasova kojim je amandman usvojen u oba doma Parlamenta".

Vršilac dužnosti visokog predstavnika i supervizor za Brčko Distrikt, Raffi Gregorian, nada se da će nakon javne debate ovaj amandman što prije biti usvojen u parlamentu, čime će se otvoriti put ka ispunjenju jedne od preostalih obaveza koje su utvrđene kao neophodne za zatvaranje OHR-a i njegovu transformaciju u EUSR.